

**Zeitschrift:** Igl Ischi : organ della Romania (Societat de Students Romontschs)  
**Herausgeber:** Romania (Societat de Students Romontschs)  
**Band:** 14 (1912)

**Artikel:** Il chischnè  
**Autor:** Huonder, Felix  
**DOI:** <https://doi.org/10.5169/seals-882135>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 02.04.2026

**ETH-Bibliothek Zürich, E-Periodica, <https://www.e-periodica.ch>**




## : - : Il chischnè. : - :

Da Felix Huonder, Mustér-Madernal.

Bialas seras ded Uost, principalmein suenter miez Uost, ne era igl emprem de Settember, vesan ins ella part su della Surselva grischuna co il pur, suenter sia stunclentusa e fadigiusa lavur en la calira dil di, lavura aunc bein savens dalla notg viaden per chischinar siu graun. La glisch dil di vegn tier quella lavur il bia remplazzada entras la glisch artificiala de petroli. Las monas de graun vegnan els bia loghens messas 4 per ga sin in mogn de lenn cun clavellas e lu tratgas si a quel che chischina entras in tuorn. Fertion che quella lavur sa vegnir exequida dad in mattatsch ne ina mattatscha, sto il chischinar d'averantar entras ina persuna pli gronda, che capescha de volver en las spigias de mintga mona cun tut adatg, de metter en siu liug e beinduras ligiar ella vid il pé ne vid la latta e lu era de trer si grad igl eunz.

Nies maletg representa ina biala partida de tals chischnès a Caverdiras-Mustér. Las grondas largias sin quels chischnès buc emplenidas cun graun dian a nus co la plontaziun dellas differentas specias de graun vegn negligida el temps present. Ils purs de «tschels onns» havevan il bia mo memia pauc plaz sin chischnè, il denterpiest era pleins e darar vesevan ins ina tscheschna vita; els vulvevan entuorn la tiara, cultivavan e zerclavan cun quitaus ils èrs e surtut laschavan els vegnir madirs il graun. Sin quella maniera raccolta-



Chischnès a Caverdiras-Mustér.

Phot. de F. Huonder, Madernal.

van els igl atun graun en abuldonza. Ussa el temps dellas grondas preschas sto tut bein ne mal esser fatg sin in cert termin. Bein enqualga mauncan las forzas necessarias, forsa ei il feigl ne la feglia giu Cuera a survir, la lavur sto esser fatga ed aschia fan ins ad in far mo ch'ei seigi fatg.

Bein haveva il pur dil temps vegl in grond plascher, sche el pudeva la domengia, en mongias e cun caultschas quortas, ira sper siu chischnè ora a spass e contemplar sia biala e lada tschisa graun, che terlichava sc' in aur.

Ils chischnès vegnan baghiai en in liug solegliv; savens vid in clavau en fuorma de talina ne el liber e spuranai cun ils aschinumnai areisens. Entras il caul dil solegl semadirescha il graun e schegia ora meglier. Aschia resta il graun exponius, aunc el strom, al solegl ed alla fina aria montagnarda circa in meins e miez e suenter vegn ei scudiu.

Ils davos onns vegn ei da pliras varts empruau de metter las monas graun a mantun en in ladretsch (sco ella bassa). En nossas contradas vegn il graun, sin quella moda, bugen mischs e pitescha era il graun de sem giudlunder. Fetg d'engrau sa ei denton esser allas miurs, sch'ins metta il graun en ladretsch.

Ed alla fin giavischein nus, che las mattauns romontschas fetschien lur pèttas de Daniev ord nossa frina salin, la quala ei lunsch ora pli savurusa ed en mintga cass de preferir alla frina importada. —

